

Jaarlikse koolstofbelastingrekeninge en -betalings nou verskuldig

Tshwane, 9 Julie 2021 - Die jaarlikse koolstofbelastingrekeninge en -betalings ten opsigte van die 2020 belastingtydperk, wat op 1 Januarie 2020 begin het en op 31 Desember 2020 geëindig het, is nou verskuldig.

Indienings van die aksynsverklaring (EXD 180) rekening met toepaslike bylae, asook die toepaslike koolstofbelastingbetalings, kan op eFiling ingedien word tot en met 15:00 op 29 Julie 2021.

Ingevolge ons strategiese oogmerke ten opsigte van die verskaf van helderheid en sekerheid oor belastingverpligtinge, en om dit maklik te maak om belastingverpligtinge na te kom, wil ons die volgende vereistes uitlig:

1. 'n Belastingpligtige wat aanspreeklik is vir koolstofbelasting, is enige persoon wat 'n belasbare aktiwiteit bedryf wat onderhewig is aan koolstofbelasting deur beheer oor 'n fasiliteit se bedrywighede te hê wat kweekhuiskasse (koolstofdoksied) vrylaat.
2. Elke belastingpligtige moet 'n gekonsolideerde lisensie bekom vir die samestelling van elk so 'n vrystellingsfasiliteit as doeane en aksyns vervaardigingspakhuis vir die generering van vrystellings aanspreeklik vir koolstofbelasting. Lisensie-aansoeke moet op 'n DA185-vorm gemaak word tesame met bylaag DA185.4B2. Dit moet ingedien word, saam met die vereiste stawende dokumente, by die SARS Aksyns Registrasie en Lisensiëringskantoor by SARS se Alberton-tak.
3. Alle lisensiehouers van doeane- en aksynsvervaardigingspakhuis vir die generering van kweekhuiskasse onderhewig aan koolstofbelasting, moet hul EXD 180-rekeninge indien, tesame met die betaling van hul koolstofbelastingaanspreeklikheid vir die 2020-belastingtydperk of enige deel daarvan.
4. Lisensiehouers wat hul kweekhuiskasse verklaar ingevolge artikel 4(1) van die Wet op Koolstofbelasting, 2019, moet kennis neem dat die toepaslike afdelings van hul EXD 180-rekeninge outomaties voltooi mag wees met die kweekhuiskassysfers wat weergegee is ingevolge die nasionale kweekhuiskasvrystellingverslagleweringregulasies van die Departement van Omgewingsake, Bosbou en Visserye. Lisensiehouers wat nie met die vooraf-voltooide vrystellingsyfers saamstem nie en kies om hierdie syfers aan te pas, sal vereis wees om hul aangepaste syfers te staaf.

5. Lisensiehouers in die brandstofindustrie, moet kennis neem van die nuwe aanpassing op die EXD 180-opgawe vir die bepaling van die netto heffing betaalbaar ten opsigte van die produsering van brandstof deur 'n brandstofraffinadery gedurende die belastingtydperk. Vir meer inligting, verwys asseblief na die toepaslike C.2 berekening van netto heffing betaalbaar onder die rekening se voltooiingsnotas. Neem asseblief kennis dat die huidige voltooiingsnotas opgelaa is saam met die huidige DA 180 se voorblad van die koolstofbelastingrekening onder die "Find a Form"-skakel op die SARS-webtuiste by <https://www.sars.gov.za/da-180-environmental-levy-account-for-carbon-tax-external-form/>
6. Laastens, die geldigheidstydperk van lisensies vir doeane- en aksynsvervaardigingspakhuse vir die generering van kweekhuisgasse aanspreeklik vir koolstofbelasting is vanaf die intredingsdatum tot 31 Desember 2021 en daarna 31 Desember van die daaropvolgende jaar. Alle sodanige lisensiehouers moet dus jaarliks aansoek doen om hul lisensies te hernu, op of voor 31 Desember van elke jaar, vanaf 2021, deur 'n opgedateerde vorm vir lisensiëring (DA185 en bylaag DA185.4B2) in te dien, tesame met die vereiste stawende dokumente, by die SARS Aksyns Registrasie en Lisensiëringskantoor by die SARS Alberton-tak.

Meer inligting

Vir meer inligting, besoek asseblief die SARS-webtuiste by www.sars.gov.za.